

NAFARROAKO GOBERNUA

GARAPEN EKONOMIKOA

ESKUBIDE SOZIALAK

OGASUNA ETA FINANTZA POLITIKA

LEHENDAKARITZA, FUNTZIO
PUBLIKOA, BARNEA ETA JUSTIZIAHERRITARREKIKO ETA
ERAKUNDEEKIKO HARREMANAK

HEZKUNTZA

OSASUNA

KULTURA, KIROLA ETA GAZTERIA

LANDA GARAPENA, INGURUMENA
ETA TOKI ADMINISTRAZIOA

SEGURTASUNA ETA LARRIALDIAK

Nafarroako Gobernuak euskararekin duen eginbidea berretsi eta hizkuntza horren erabilera normalizatuaren alde egingen du

Heldu den abenduaren 3an Euskararen Nazioarteko Eguna izanen denez, adierazpen instituzional bat onetsi du

Asteazkena, 2016.eko azaroak 30

Heldu den abenduaren 3an Euskararen Nazioarteko Eguna izanen denez, Nafarroako Gobernuak adierazpen instituzional hau onetsi du:

“Abenduaren 3a, Nafarroaren eguna, Euskararen eguna ere bada. Oroitzapen hori 1949an sustatu zuen Eusko Ikaskuntzak.

Hala bada, abenduaren 3an Nafarroak zer ospatu handia du. Foru Komunitatearen egunak eta haren berezko hizkuntzetako baten egunak bat egiten dute eta biak batzen dira. Izan ere, Nafarroaren historia euskararen historiari loturik doa, historian zehar nafar jendeak hizkuntza hori bere izan duela agertzen baita

Batze edo elkartzeko hori da Nafarroako Gobernuak euskararen irudia hobetzeko abiatu berri duen kanpaina sustatu nahi izan duen mezua: “Sin el euskera, Navarra no se entiendo” / “Euskara gurea, denona”.

Aurten, abenduaren 3an, Nafarroako Gobernuak estreinako aldiz, Euskararen Nazioarteko Eguna ofizialki ospatuko du. Ospakizunak Nafarroako hiru hiritara zabalduko dira: Iruñera, Altsasura eta Tuterara.

Nafarroako Gobernuak berretsi nahi du euskararekin bai eta nafar gizarteari hizkuntza hori normaltasun osoz baliatzeko aukera ematearekin ere duen konpromisoa. Hala berean, berretsi nahi du gure hizkuntzen elkarbizitzarako gizarte adostasuna erdietsi beharra dugula, herritarren hizkuntza eskubideak bermatzea xedea dela.

Hori horrela, Nafarroako Gobernuak herritarrak Euskararen Nazioarteko Eguna ospatzera animatzen ditu, Nafarroaren Egunari gehitzen zaion eta oroitzapen hura aberasten duen ospakizuna izaki.”